

Alkitab Sagan Kakanakan Mengenal akan



Rut:
Sabuting
Kisah
Cinta



Panulis: Edward Hughes

Nang manggambar: Janie Forest
Alastair Paterson

Nang manyusun: Lyn Doerksen

Nang mangartikan: Lega Pitanatal Amiani;
Nadya Cristine Armelia br. Tumorang

Nang mamproduksi: Bible for Children
www.M1914.org

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.





Jaka ikam bisa tatamu lawan kai buyutmu, urang tuha matan kai buyutmu, urang tuha matan urang tuha kai buyutmu, lawan samunyaan urang nang ada sabalum ikam ada dalam kaluargamu, luku ikam pacangan

takajut ulih kabaikan urang-urang ngintu. Dalam Alkitab sabuting saurang nini buyut Yesus adalah Ruth - urang Moab nang manyambah barhala.



Kisah tentang Ruth dimulai di Israel sesudah masa Simson, pas umat Tuhan bamandak mamparcayai lawan manaati Tuhan. Kalaparan manyarang tanah Israel. Ikam tahu napa kalaparan ngintu? Bujur banar! Kalaparan adalah dimana kada ada buah-buahan atawa tanaman nang tumbuh lawan binatang-binatang lawan kadang-kadang manusia mati ulih kalaparan.



Ada saurang bangaran Elimelekh, maninggalakan Betlehem lawan bini lawan dua urang anak lakianya, tulak mancari makanan. Inya tulak ka Moab, sabuting nagara dimana urang-urangnya manyambah barhala.



Sabarataan
sasuatu kada
bajalan baik hagan Elimelkh lawan kaluarganya
di Moab. Inya maninggal diumpati dua urang
anak lakianya.



Bininya Naomi, di tinggalakan lawan kadua
urang bini anaknya, Rut lawan Orpa. Kadua
binian ngini matan Moab.



Naomi, wahini saurang janda, mandangar pada Tuhan sudah mamparhatiakan umatNya lawan mambariakan makanan ka buhannya. Inya mamutusakan hagan babulik ka tanah kalahirannya. Tapi napa nang pacangan dilakuakan ulih dua bini anak-anaknya ngintu? Naomi

manyaranakan buhannya hagan tinggal di Moab lawan kawin lagi.






Orpa babulik ka kaluarganya. Tapi Rut manulak. Rut
baucap sabuting puisi nang manjanjakan pada inya
kada pacangan maninggalakan mintuhanya.



Kawan-kawan lawas Naomi arai banar malihat inya babulik ka Yerusalem. Tapi inya maminta buhannya hagan mahiau Mara (pahit) pada Naomi (manyanangkan). "Ulih nang Maha Kuasa imbah malakuakan banyak hal nang pahit lawan aku." Naomi bulik lawan tangan kusung, kacuali Rut.



Biar Rut manyambah barhala kaya urang Moab pada umumnya, inya babulik hagan manyambah Tuhan Allah nang hidup Allah Israel. Rut bagawi karas hagan mamastiakan Naomi mandapatakan makanan nang cukup. Satiap hari inya maumpati panyabit-panyabit di pahumaan lawan maambil bulir-bulir gandum nang tatinggal.





Boas, pamilik pahumaan ngintu mandangar liwar baiknya Rut lawan mintuhanya, Pas inya tatamu Rut, Boas manulung inya lawan mamarintahakan pegawinya hagan maninggalakan unggukan-unggukan jalai di balakangnya. Boas handak lawan Rut.





Pas Rut baucap ka Naomi
tantang Boas lawan
kabaikannya, urang tuha
ngintu mamuji Tuhan.

“Urang ngintu
kaum dansanak
kita, inyalah salah
sabuting urang
nang wajib
manabus kita.”





Waktu tarus
bajalan, Boas
handak
mangawini
Rut lawan
mamalihara tanah
ampun kaluarganya.

Tapi ada kaluarga lain nang labih parak
buhannyalah nang baisi pilihan pertama.
Urang ngini mahandaki tanahnya tapi
kada handak manjadiakan Rut sabagai
bininya. Hukum disana maucapakan
inya kada kawa mandapatakan sabuting
tapi kada mahandaki nang lain.



Pas ngintu, urang kada bajabat tangan hagan maberesakan sabuting parsatujuan. Boas malapasakan sabalah capal lawan di muka umum inya mambariakan ka urang lain ngintu. Parjanjian sudah ditatapakan. Rut pacangan jadi bini Boas.




Wahini inya lawan Naomi jadi bagian dalam keluarga Boas.



Anak pertama Boas
lawan Rut bantaran
Obed. Inya adalah
kai matan Daud,
Raja ganal di Israel.



Tapi nang labih luar biasa lagi, bayi Obed adalah kai buyut matan Tuhan Yesus Kristus. Yesus datang malalui garis keluarga Daud hagan manjadi Raja diatas sagala raja lawan Jurusalamat dunia.



Rut: Sabuting Kisah Cinta

Sabuting kisah matan Firman Tuhan, Alkitab

Taulih dalam

Kitab Rut

"Amun tabuka, firman-firmanPian mambari pamahaman." Mazmur 119:130



Tuntung



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

